



✚ ka pozitivnim društvenim promjenama ✚

16 dana aktivizma protiv nasilja na osnovu roda i/ili spola 2008
„Ljudska prava za žene = ljudska prava za sve: 60 godina Deklaracije o ljudskim pravima“

25.11.2008-10.12.2008

Kalendar Fondacije CURE

U sklopu globalne kampanje „16 dana aktivizma protiv nasilja na osnovu roda i/ili spola“ koja se odvija u periodu od 25. Novembra do 10. Decembra, Fondacija CURE tradicionalno realizira kalendar aktivnosti već petu godinu zaredom. Svake godine ovu kampanju realizira oko 1500 organizacija u oko 150 zemalja svijeta, a u Bosni i Hercegovini su CURE uvijek imale dinamičan plan akcije. Ove se godine više fokusiramo na podršku i asistenciju mladim aktivisticama iz regije Birač gdje CURE tim radi na tome da osnaži veći broj aktivistica u omladinskim centrima Milići, Srebrenica, Bratunac, Vlasenica, i Zvornik.

- (SARAJEVO) Utorak, 25.11: ulična akcija sa početkom u 13.00 sati ispred sarajevske katedrale
- (SREBRENICA) Petak/subota/nedjelja - 28, 29,30 novembar: Radionice osnaživanja za mlade žene; u prostorijama Savjeta mladih Srebrenica . Program se sastoji iz pet modula koji nude osnovna znanja o ženskim ljudskim pravima, nasilju na osnovu roda/spola, feministički aktivizam, ženska angažirana umjetnost i drugo. Realizira se u suradnji sa GTZ-om u BiH. Sve polaznice dobiju sertifikat o učešću.
 - (SREBRENICA) Subota, 29. 11.2008: ulična akcija, Srebrenica
 - (SREBRENICA) Subota, 29. 11.2008: prikazivanje filma o heroinama (naslov će biti blagovremeno najavljen)
- (SARAJEVO) Utorak, 02.12.: prikazivanje filma o braniteljicama ljudskih prava, Kuća ljudskih prava Sarajevo, sa početkom u 18.00 (naslov će biti blagovremeno najavljen).
- (SARAJEVO) Petak, 05.decembar, Javno predavanje i diskusija: Rodno senzitivna psihoterapija /uloga ženskog pokreta u ostvarivanju rodne ravnopravnosti u okvirima mentalnog zdravlja. Predavačice: Lidija Vasiljević i Jana Damjanov. Kuća ljudskih prava sa početkom u 18.00.
- (SARAJEVO) Subota i nedjelja (5 i 6 decembar): Cjelodnevna radionica iskustveno-edukativnog tipa pod nazivom „Osnovi psihodrame i teorija uloga“. Voditeljice: Lidija Vasiljević i Jana Damjanov. Pozivamo Vas da kroz učešće na ovoj jedinstvenoj radionici steknete osnovna znanja o psihodrami i da se upoznate sa zanimljivim, kreativnim i široko upotrebljivim metodama i tehnikama ovog psihoterapijskog pravca. Cijena jednodnevne radionice (10-19h, sa ručkom) iznosi 25 EUR. Svi/e učesnici/e dobijaju sertifikate „Instituta za psihodramu“ i „Psihodramskog centra Telos“. Za prijave, pišite na psihodramasarajevo@yahoo.com , ili pozovite: Tihana Majstorović 061/ 72 25 85
- (SARAJEVO) Srijeda, 10.12. noćna ulična akcija

Za detalje i više info, posjetite web Fondacije CURE, ili pišite na info@fondacijacure.org

16 dana aktivizma protiv rodno zasnovanog nasilja 25. novembar – 10. decembar 2008. godine

Ljudska prava žena ↔ Ljudska prava za sve: UDHR60



Šezdeset godina od usvajanja Univerzalne deklaracije o ljudskim pravima predstavlja istorijski momenat i prepoznavanje proteklih šest decenija rada na obezbjeđivanju konvencija i sporazuma koji čine okvir ljudskih prava. Principi koji su uspostavljeni Deklaracijom takođe daju legitimitet aktivistkinjama i aktivistima širom svijeta koji pozivaju na postvarivanje univerzalnih ljudskih prava.

10. decembra 2007. godine, pokrenuta je kampanja civilnog društva da bi se obilježilo 60 godina od usvajanja Univerzalne deklaracije o ljudskim pravima (UDHR). Ovaj projekat je pokrenut od grupe poznatih aktivista i aktivistkinja koji sebe nazivaju "Stariji (The Elders)" i teži da ponovo istakne principe Univerzalne deklaracije o ljudskim pravima kroz poruku da *Svako ljudsko biće ima prava*. [Centar za globalno žensko liderstvo](#) (CWGL) je sa ponosom prihvatio partnerstvo a [UDHR60 NVO](#) kampanjom, koja je pokrenuta u vrijeme kad je legitimitet i ženskih prava i ljudskih prava izazvan i ugrožen na više nivoa.

Ljudska prava ne mogu biti univerzalna bez ljudskih prava za žene. UDHR60 kampanja nudi priliku zalaganja za ženska prava, zahtjeva ukidanje nejednakosti po osnovu pola/roda i kreiranje svijeta slobodnog od nasilja, diskriminacije i nepravde. Ovo su ključni preduslovi za izgradnju pravednog, mirnog i održivog svijeta u kojem su poštovana ljudska prava svih. Tokom proteklih 60 godina, žene su pokrenule značajne aktivnosti na lokalnom i globalnom nivou kako bi se borile protiv nejednakosti po osnovu pola/roda. Feministički pristupi ljudskim pravima su se razvili i koriste se širom svijeta. Žensko zalaganje je dovelo do pionirskih promjena u oblastima kao što su obrazovanje, zdravlje, pravna zaštita i učešće u političkom životu – i, u tumačenjima okvira ljudskih prava kao takvog. Globalni okviri za realizaciju ženskih prava su navedeni u Ženskoj konvenciji ([CEDAW](#)), i u dokumentima iz drugih UN procesa, kao što su [Bečka deklaracija o ljudskim pravima](#), the [Kairo Program za akciju](#), the [Pekinška platforma za akciju](#), [Milenijumski razvojni ciljevi](#), i [Svjetski samit](#). Žene su postigle uspjehe u zahtjevanju političke volje od strane država da se pokrenu pozitivne promjene, ali još uvijek nedostaju implementacija i resursi kako bi se ove obećanja i ostvarila u praksi.

Fokus Centra za žensko liderstvo u UDHR60 kampanji nije iscrpan, ali ono što ćemo učiniti jeste da ćemo slijediti, obilježavati i naglasiti globalni momenat posebno u dijelu koji je najuže vezan za naš rad na ženskim ljudskim pravima. Osim toga, posvetićemo Kampanju 16 dana aktivizma protiv rodno zasnovanog nasilja u 2008. godini obilježavanju 60te godišnjice od usvajanja Univerzalne deklaracije o ljudskim pravima i zahtjevaćemo napredak u zaštiti ženskih ljudskih prava. Primarni fokus kampanje će biti sljedeća područja:

- Podrška braniteljicama ljudskih prava
- Zaustavljanje nasilja protiv žena
- Jačanje struktura u oblasti ravnopravnosti polova unutar Ujedinjenih nacija
- Proširivanje finansiranja u oblasti ravnopravnosti polova

Prepoznajući da Kampanja 16 dana aktivizma protiv rodno zasnovanog nasilja pruža mogućnost da se globalni aktivizam na polju ženskih ljudskih prava stavi u fokus obilježavanja 60-te godišnjice od usvajanja Univerzalne deklaracije o ljudskim pravima 10. decembra 2008. godine, pozivamo vas da nam se pridružite u obilježavanju godišnjice Deklaracije i decenija aktivizma za ženska ljudska prava.

Pozivamo organizacije da fokusiraju svoje planove za Kampanju 16 dana aktivizma protiv rodno zasnovanog nasilja u 2008. godini na aktivnosti koje ukazuju na izazove u zaštiti ženskih ljudskih prava širom svijeta i žensko liderstvo u odbrani ljudskih prava.



✚ ka pozitivnim društvenim promjenama ✚

Molimo pogledajte Akcioni materijal Kampanje za 2008. godinu za više detalja o predloženim aktivnostima.

Pridružite se pokretu 16 dana aktivizma!

Pridružite se aktivnostima koji se u okviru kampanje 16 dana aktivizma protiv rodno zasnovanog nasilja održavaju u vašoj lokalnoj zajednici. Iskoristite dostupne materijale kako bi se informisali o aktivnostima i organizacijama koje podržavaju kampanju u vašem okruženju. Informišite Centar za žensko liderstvo o aktivnostima koje će te sprovesti u okviru kampanje, kako bi ih uključili u Međunarodni kalendar aktivnosti 16 dana aktivizma protiv rodno zasnovanog nasilja i postanite dio globalnog pokreta.

Uključite se u elektronsku diskusiju 16 dana aktivizma!

Uključite se u mailing listu 16 Dana aktivizma protiv rodno zasnovanog nasilja koja pruža mogućnost aktivistkinjama i aktivistima da dijele informacije, iskustva, grade partnerstva širom svijeta i zajedno doprinose razvoju strategija i tema za godišnje kampanje 16 dana.

Da se uključite u diskusiju, posjetite https://email.rutgers.edu/mailman/listinfo/16days_discussion.

Pošaljite svoje materijale! Pomozite nam u kreiranju arhive 16 dana aktivizma protiv rodno zasnovanog nasilja!

Centar za globalno žensko liderstvo moli učesnice/ke kampanje 16 dana aktivizma – prošle i sadašnje – da pošalju informacije o svojim sadašnjim i protreklim aktivnostima u okviru kampanje 16 dana aktivizma protiv rodno zasnovanog nasilja kako bi ih uključile u elektronski **Međunarodni kalendar aktivnosti**. Centar za globalno žensko liderstvo takođe moli da pošaljete druge materijale, kao što su poster, brošure, fotografije, majice, video snimci, pjesme, izjave ili izvještaji koji su vezani za kampanju. Ukoliko posjedujete fotografije, dokumente ili druge primjere vašeg rada koje nam možete poslati u elektronskom obliku, molimo vas da to učinite i mi ćemo ih objaviti na našoj web stranici.

*Prevedeno i adaptirano od materijala pripremljenog od strane:

Centra za globalno žensko liderstvo

Rutgers University, 160 Ryders Lane, New Brunswick, NJ 08901-8555 SAD

Telefon: (1-732) 932-8782, Faks: (1-732) 932-1180

E-mail: cwgl@jgc.org

<http://www.cwgl.rutgers.edu>